

Broj: 01-05- /18
Datum, 22.01.2018.godine

Z A P I S N I K

sa 9. sjednice V saziva Općinskog vijeća općine Gornji Vakuf – Uskoplje, održane 14. decembra 2017. godine u Velikoj sali općine Gornji Vakuf - Uskoplje, sa početkom u 10⁰⁰ sati.

Sjednici su prisustvovali izabrani vijećnici Općinskog vijeća, Općinski načelnik Čaušević Sead, Sekretar općine Prijić Senad, Pomoćnici načelnika – Šišić Suad, Milić Nikola, Sofić Osman, Šain Branko, Matijanić Branko, ovlašteni predstavnik SDA Agić Adis, ovlašteni predstavnik DF-a Čalkić Samir, stručni saradnik za budžet Ljubunčić Omer, predstavnici medija-RTV Bugojno.

Batinić G.-predsjednik OV-a

- Pozdravio bih sve kolegice i kolege vijećnike, Općinskog načelnika i Pomoćnike općinskog Načelnika, predstavnike političkih stranaka, predstavnike medija i sve ostale prisutne
- Prije početka same sjednice želim vas informisati da je kolegica Šeherzada Dedić Općinskom vijeću dostavila Izjavu u kojoj navodi da je od danas odlučila u Općinskom vijeću Gornji Vakuf-Uskoplje djelovati kao nezavisni vijećnik
- Sada bih zamolio sekretara Općinskog vijeća da izvrši prozivku

Sekretar općine Prijić Senad, je izvršio prozivku prisutnih vijećnika, tako da su na sjednici u vrijeme prozivke bila prisutna 22 vijećnika i to: Idrizović Dževad, Manjgo Ramiz, Brzika Amra, Petrović Haris, Čaušević Merhila, Gafić Maid, Ramić Adnan, Demirović-Spahić Alena, Pidro Muris, Hadžiahmetović Dijamin - SDA, Herceg Josip, Novaković Ana, Batinić Goran, Jurina Danijela, Krajina Marinko, Posavac Ivo, Novaković Marin, Žuljević Ivica– vijećnici Hrvatske liste HDZ BiH, HDZ 1990, HSP BiH i HSS Stjepan Radić, Karamustafić Naser, Kičin Kadir -SDP, Dedić Šeherzada – nezavisni vijećnik, Puljarga Sabahudin-SBB

Odsutan je bio Elez Berislav vijećnik Hrvatske liste HDZ BiH, HDZ 1990, HSP BiH i HSS Stjepan Radić

Predsjednik Općinskog vijeća Gornji Vakuf – Uskoplje Batinić Goran dao je na usvajanje sljedeći

DNEVNI RED:

1. Vijećnička pitanja
2. Usvajanje Zapisnika sa 8.sjednice Općinskog vijeća Gornji Vakuf-Uskoplje
3. Prijedlog Budžeta Općine Gornji Vakuf-Uskoplje za 2018.godinu
4. Prijedlog Odluke o izvršenju budžeta Općine Gornji Vakuf-Uskoplje za 2018.godine
5. Prijedlog Odluke o privremenom finansiranju Općine Gornji Vakuf-Uskoplje za razdoblje od 01.01.do 31.12.2018.godine – skraćeni postupak
6. Nacrt Programa rada Općinskog vijeća Gornji Vakuf-Uskoplje za 2018.godinu
7. Nacrt Odluke o općinskim priznanjima
8. Prijedlog Odluke o prenosu prava korištenja vodovoda Voljice
9. Informacija o stanju zaštite i spašavanja u općini Gornji Vakuf-Uskoplje u 2017.godini
10. Informacija o stanju i održavanju putne infrastrukture na području općine Gornji Vakuf-Uskoplje u 2017.godini
11. Informacija o stanju u osnovnom i srednjem obrazovanju na području općine Gornji Vakuf-Uskoplje
12. Prijedlog Zaključka o davanju saglasnosti na imenovanje direktora JU Centar za obrazovanje, sport i kulturu Gornji Vakuf-Uskoplje

Diskusije:

Predloženi Dnevni red usvojen jednoglasno sa (22 «za»)

Ad. 1.

Vijećnička pitanja

Odgovori na Vijećnička pitanja

Karamustafić N.-SDP

- Davno sam rekao da ne znam koja je svrha postavljati vijećnička pitanja
- Ko je ili ko su stručne osobe, koliko su analiza uzeli, jesu li sa svih drveća i molimo da nam se dostave te stručne analize na slijedeće vijeće ? Nismo dobili stručne analize. Dobili smo Izvještaj nekakvog vještaka, diplomiranog inženjera šumarstva i jednog profesora, kojim nikako nisam zadovoljan.
- Podnijet ću inicijativu da se na vijeću raspravlja o odgovorima i sankcijama koje ćemo izvršiti prema ljudima koji nam uopće ne daju odgovore, prema ljudima koji nam dadnu odgovor samo radi „fore“ i prema ljudima koji nikako nisu adekvatni da daju te odgovore ili neće da dadnu normalne odgovore na pitanje koje se postavlja, ja mislim čak da neće. Jer svako moje pitanje je konkretno postavljeno ; ko je, zašto, kako?
- Molim ubuduće da mi se da usmeni odgovor ako ja to tražim, ne trebamo tražiti nekakve razloge da mi se ne može odgovoriti usmenim putem. Od sada će svako moje pitanje biti da tražim odgovor usmenim putem i počet ću sa pitanjem Općinskom načelniku; Jeste li imali Odluku Općinskog vijeća za rekonstrukciju parka? Molim da mi se usmeno odgovori.

Usmeni odgovori na vijećnička pitanja

Sofić O.-usmeni odgovor

- Ja ću odgovoriti na pitanje koje je postavio N. Karamustafić iz razloga što sam zajedno sa Općinskim načelnikom odgovarao na ovo vijećničko pitanje i zbog toga što posjedujem dosta tih informacija.
- Kada smo odgovarali na ovo pitanje nismo dostavili „foto dokumentaciju“ iz razloga što je malo opširnija. Iz nje se tačno vidi da je svako stablo uslikano, da je jasno obrazloženo i šta su to anomalije u parku.
- Pored stručnog lica koje je evidentiralo stanje parka, mi smo angažovali isto i firmu koja isključivo radi rekonstrukciju parkova. Firma se zove „Hadžo stil“, u njoj se nalazi par stručnjaka koji su završili Hortikulturu i oni su izišli na lice mjesta i ustanovili su isto da se radi o zapuštenom parku, da se radi o bolesnom parku, parku koji je „prijeteća bomba“ za prolaznike i za sve one koji se nalaze u parku, tako da mi nismo ništa uradili na svoju ruku, znači to je struka rekla.
- Smatram a i zakon je tako definisao da nije potrebna odluka Općinskog vijeća kada se radi rekonstrukcija nema potrebe da vijeće odlučuje o tim stvarima (rekonstrukcija neke zgrade), nije se radila prenamjena parka i sve što je urađeno, urađeno je u skladu sa Glavnim projektom.

Karamustafić N.-SDP

- Nije tačno da je urađena rekonstrukcija parka.
- Na prijašnjim sjednicama Općinskog vijeća sam pitao; da li će doći do pomjeranja granica parka, hoće li doći do sječe svih stabala. Znači učinjena je „gola sječa“ svih stabala. Niko Vam ne bi prigovorio da ste uklonili bolesno drveće, drveće koje je trulo. Da ste ostavili pet, deset drveća koja su valjala, koja su zdrava bila. Odgovorno tvrdim da je drveće bilo ispravno i zdravo. Interesuje me otkuda Vam stručnjak iz Zenice, otkud Vam firma iz Sarajeva, zar mi nemamo na našem kantonu stručnjaka.
- Mislim da je trebala odluka Općinskog vijeća, da se trebala održati Javna rasprava i da je trebala suglasnost mjesne zajednice. Mislim da će sud odrediti ko je u pravu i šta je ispravno.

Nova vijećnička pitanja:

Kadir Kičin - SDP BiH

1. Tražim da mi dostavite izvještaje o radu, uključujući finansijske izvještaje (godišnje izvještaje) za privredno društvo „ Regionalni centar za upravljanje otpadom“ d.o.o .Gornji Vakuf-Uskoplje, za period od dana osnivanja do danas, te da nam dostavite Ugovor o osnivanju pomenutog društva, kao i imena članova Skupštine i Nadzornog odbora.
2. Zašto se nije izradila Strategija razvoja Općine Gornji Vakuf-Uskoplje !?
3. Da li je moguće očekivati da Općina Gornji Vakuf-Uskoplje ima izrađenu Strategiju za mlade u narednoj godini ?

Marin Novaković - Hrvatska lista

1. Svjedoci smo da je u zadnje vrijeme porastao broj krivičnih djela, tj. provala u obiteljske kuće, posebice u one u kojima se trenutno ne stanuje.
Što policijska stanica Gornji Vakuf-Uskoplje poduzima po ovom pitanju, koliko je rasvijetljeno slučajeva provala i koliko je uhićeno osoba ?

Ad. 2.

Usvajanje Zapisnika sa 8. sjednice Općinskog vijeća

Diskusije:-

Zapisnik sa 8. sjednice Općinskog vijeća usvojen je jednoglasno sa (22 «za»)

Ad. 3.

Prijedlog Budžeta Općine Gornji Vakuf-Uskoplje za 2018.godinu

Milić N.-ispred predlagača

- Dao je kratko objašnjenje prijedloga Budžeta Općine Gornji Vakuf-Uskoplje za 2018.godinu
- U odnosu na Nacrt budžeta vidite da je u Prijedlogu budžet povećan za 114 500,00 KM (povećanje prihoda od indirektnih poreza)
- Na strani 3. kod 613 400-nabavka materijala, dodaje se novi kod 613 411 koji nije bio u formi Nacrta -izdaci za obrasce i papir, bit će planirani iznos sredstava od 15 000,00 KM. Kod 613 417 –kancelarijski materijal , stajat će iznos od 5 000,00 KM

Diskusije:

Gafić M.- ispred komisije za budžet i finansije

- Komisija za budžet i finansije i ekonomska pitanja je na svojoj sjednici održanoj 12.12. 2017. godine, razmatrala je Prijedlog Budžeta Općine Gornji Vakuf-Uskoplje za 2018.godinu, komisija daje pozitivno mišljenje na Prijedlog Budžeta Općine Gornji Vakuf-Uskoplje za 2018.godinu, te predlaže Općinskom vijeću da ga usvoji

Herceg J.-ispred komisije za Statut i propise

- Komisija za Statut i propise je na svojoj sjednici održanoj 13.12.2017. godine, razmatrala je Prijedlog Budžeta Općine Gornji Vakuf-Uskoplje za 2018.godinu i ima jednu malu primjedbu na član 1.stoji; ...*Budžet Općine Gornji Vakuf-Uskoplje za 2018.godinu (u daljem tekstu: budžet)*, međutim u sljedećem članu se ponavlja kao da nismo rekli da je to samo „budžet“ spominje se opet općina Gornji Vakuf-Uskoplje, treba ispraviti samo taj dio

Batinić G.-predsjednik OV-a

- Prije nego što otvorim raspravu želim kazati da je klub SDP-a podnio šest amandmana na Prijedlog Budžeta Općine Gornji Vakuf-Uskoplje za 2018.godinu. Amandmane ste imali priliku vidjeti prije početka sjednice. Materijali su Vam bili na stolu, amandmani su podneseni na vrijeme shodno članu 117. Poslovnika o radu Općinskog vijeća Gornji Vakuf-Uskoplje, te su na vrijeme prosljeđeni predlagaču, odnosno Općinskom načelniku koji nije

prihvatio niti jedan amandman. Ukoliko klub SDP-a ne odustane od predloženih amandmana do kraja rasprave, prije glasanja o Prijedlogu Budžeta Općine Gornji Vakuf-Uskoplje za 2018.godinu, izjasnit ćemo se o svakom amandmanu pojedinačno.

- Otvaram raspravu po ovoj tački dnevnog reda

Karamustafić N.-ispred kluba SDP

- Klub SDP-a odustaje od amandmana broj 2., od ovih pet amandmana ne odustajemo

Batinić G.-predsjednik OV-a

- Dajem na glasanje amandman broj 1. u kojem se traži da se iz budžeta općine za 2018. godinu izdvoji sa ekonomskog koda 821 611 dodatnih 20 000,00 KM za ekonomski kod 614 515 (poticaj poljoprivrednoj proizvodnji), odnosno da se potakne poljoprivredna proizvodnja sa 70 000,00 KM umjesto do sada planiranih 50 000,00 KM.

Predloženi amandman broj 1. nije usvojen jer nije dobio potreban broj glasova (3 „za“, 18 „protiv“, 1 „suzdržan“)

Batinić G.-predsjednik OV-a

- Dajem na glasanje amandman broj 3. kojim se traži da se iz budžeta općine za 2018 godinu izdvoji sa ekonomskog koda 821 612-rekonstrukcija i investiciono održavanje, iznos od 50 000,00 KM, za osnivanje, opremanje i uspostavljanje Javne kuhinje Gornji Vakuf-Uskoplje.

Predloženi amandman broj 3. nije usvojen jer nije dobio potreban broj glasova (3 „za“, 18 „protiv“, 1 „suzdržan“)

Batinić G.-predsjednik OV-a

- Dajem na glasanje amandman broj 4. kojim se traži da uvrstimo u budžet općine za 2018 godinu ekonomski kod 614 200-grantovi pojedincima, iznos od 5 000,00 KM, pod nazivom „Fond za nadarene učenike srednjih i osnovnih škola“, sa ekonomskih kodova 614 324 od UG „Preporod“ i HKD „Napredak“ skinuti po 2 500,00 KM, te usmjeriti u predloženi fond. Ovaj fond bi postojao u cilju motivisanja učenika srednjih i osnovnih škola na još veće zalaganje za nauku, te na volju za dalje obrazovanje.

Predloženi amandman broj 4. nije usvojen jer nije dobio potreban broj glasova (3 „za“, 18 „protiv“, 1 „suzdržan“)

Batinić G.-predsjednik OV-a

- Dajem na glasanje amandman broj 5. u kojem se traži da se iz budžeta općine za 2018. godinu izdvoji 30 000,00 KM za osnivanje, opremanje i uspostavljanje radio stanice Gornji Vakuf-Uskoplje sa ekonomskog koda 821 600 -rekonstrukcija i investiciono održavanje

Predloženi amandman broj 5. nije usvojen jer nije dobio potreban broj glasova (3 „za“, 18 „protiv“, 1 „suzdržan“)

Batinić G.-predsjednik OV-a

- Dajem na glasanje amandman broj 6. u kojem se traži da se iz budžeta općine za 2018. godinu izdvoji sa ekonomskog koda 821 619 –ostala rekonstrukcija i poboljšanja izdvoji 30 000,00 KM, na ekonomski kod 614 321-beneficije za nezaposlene porodilje u iznosu od već planiranih 30 000,00 KM, doda još gore navedeni iznos kako bi fond glasio na 60 000,00 KM . Planirani iznos bi rasporedili na prvih šest mjeseci, nezaposlena porodilja dobija mjesečna sredstva u iznosu od 150,00 KM.

Predloženi amandman broj 6. nije usvojen jer nije dobio potreban broj glasova (3 „za“, 18 „protiv“, 1 „suzdržan“)

Batinić G.-predsjednik OV-a

- Prije glasanja o Prijedlogu Budžeta Općine Gornji Vakuf-Uskoplje za 2018.godinu, želim napomenuti da se shodno članu 81. Poslovnika o radu Općinskog vijeća Gornji Vakuf-Uskoplje ovaj Prijedlog donosi dvotrećinskom većinom vijećnika, uključujući nad polovičnu većinu vijećnika jednog i drugog naroda
- Dajem na glasanje Prijedlog Budžeta Općine Gornji Vakuf-Uskoplje za 2018.godinu sa sugestijama komisije za Statut i propise

Prijedlog Budžeta Općine Gornji Vakuf-Uskoplje za 2018.godinu uz navedene sugestije usvojen je sa većinom glasova (19 «za», 3 „protiv”, 0 „suzdržan”)

Ad. 4.

Prijedlog Odluke o izvršenju budžeta Općine Gornji Vakuf-Uskoplje za 2018.godine

Milić N.-ispred predlagača

- Dao je kratko obrazloženje prijedloga Odluke o izvršenju budžeta Općine Gornji Vakuf-Uskoplje za 2018.godine

Diskusije:

Gafić M.- ispred komisije za budžet i finansije

- Komisija za budžet i finansije i ekonomska pitanja je na svojoj sjednici održanoj 12.12. 2017. godine, razmatrala je prijedlog Odluke o izvršenju budžeta Općine Gornji Vakuf-Uskoplje za 2018.godine, te daje pozitivno mišljenje na prijedlog Odluke o izvršenju budžeta Općine Gornji Vakuf-Uskoplje za 2018.godine, te predlaže Općinskom vijeću da ga usvoji

Herceg J.-ispred komisije za Statut i propise

- Komisija za Statut i propise je na svojoj sjednici održanoj 13.12.2017. godine, razmatrala je prijedlog Odluke o izvršenju budžeta Općine Gornji Vakuf-Uskoplje za 2018.godine
- Iznenadeni smo da u odnosu na Odluku o izvršenju budžeta iz prošle godine niste uvažili one naše sugestije koje smo prošle godine dali
- U preambuli ove Odluke stoji;...*na osnovu člana 7. stava 1. Zakona o budžetima F BiH...*, a treba;... *na osnovu člana 7. stava 2.*
- U članu 1.stoji; ...Ovom Odlukom se uređuje način izvršavanja budžeta općine Gornji Vakuf-Uskoplje za 2018.godinu (u daljem tekstu: budžet), *međutim u sljedećem članu se ponavlja kao da nismo rekli da je to samo „budžet” spominje se opet općina Gornji Vakuf-Uskoplje, treba ispraviti samo taj dio*
- U članu 3. stoji;...*Reviziju budžeta vrši ured za reviziju...*, a trebalo bi da stoji;... *Reviziju budžeta vrši ured za reviziju institucija u F BiH budžeta, shodno Zakonu o reviziji institucija u F BiH...*
- Isto tako u članu 3. stoji samo revizija a kontrolu nismo definirali, dali je ima i ko je vrši
- U članu 6. stoji;... *U slučaju poremećene likvidnosti budžeta, Općinski načelnik na prijedlog Službe za privredu i finansije preduzima mjere za uravnoteženje budžeta i izmjene i dopune budžeta u skladu sa članom 22. i 23. Zakona o budžetima u Federacije BiH...*, a treba;... *U slučaju poremećene likvidnosti budžeta, Općinski načelnik na prijedlog Službe za privredu i finansije preduzima mjere za uravnoteženje budžeta i izmjene i dopune budžeta u skladu sa članom 36. i 37. Zakona o budžetima u Federacije BiH.*

Batinić G.-predsjednik OV-a

- Dajem na glasanje Prijedlog Odluke o izvršenju budžeta Općine Gornji Vakuf-Uskoplje za 2018. godine, uz sugestije komisije za Statut i propise

Prijedlog Odluke o izvršenju budžeta Općine Gornji Vakuf-Uskoplje za 2018.godinu uz sugestije komisije za Statut i propise usvojen sa većinom glasova (19 «za», 3 „protiv”, 0 „suzdržana”)

Ad. 5.

Prijedlog Odluke o privremenom finansiranju Općine Gornji Vakuf-Uskoplje za razdoblje od 01.01.do 31.12.2018.godine – skraćeni postupak

Milić N.-ispred predlagača

- Predlagač povlači Prijedlog Odluke o privremenom finansiranju Općine Gornji Vakuf-Uskoplje za razdoblje od 01.01.do 31.12.2018.godine – skraćeni postupak sa dnevnog reda današnje sjednice

Ad. 6.

Nacrt Programa rada Općinskog vijeća Gornji Vakuf-Uskoplje za 2018.godinu

Prijčić S.-ispred predlagača

- Dao je kratko obrazloženje Nacrta Programa rada Općinskog vijeća Gornji Vakuf-Uskoplje za 2018.godinu

Diskusije:

Herceg J.-ispred komisije za Statut i propise

- Strana 5. tačka 7.-analitičko informativni dio stoji;... *Informacija o stanju u predškolskom, osnovnom i srednjem obrazovanju na području općine Gornji vakuf-Uskoplje...*, ovo ...*predškolskom...* treba brisati iz razloga što je to izdvojeno. Treba ga dodati u ovaj Program rada kao poseban Izvještaj, jer je planirano da bude Izvještaj o radu JU Dječji vrtić „Zvončić“

Krajina M.-HL

- Obzirom da je Općinsko vijeće suosnivač Regionalnog centra za upravljanje otpadom, mislim da bi se Izvještaj o radu toga preduzeća trebalo naći na dnevnom redu sjednice Općinskog vijeća. Predlažem da u drugom kvartalu nakon što se završe završni računi da se uvrsti ovaj dio u Program rada općinskog vijeća

Puljarga S.-SBB

- Na prošloj sjednici općinskog vijeća imali smo dosta rasprave o našoj deponiji smeća, a ja ovdje nisam vidio nikakvih aktivnosti vezano za tu problematiku. Interesuje me dali će se vijeće baviti ovim, formirali smo i komisiju vezano za ovu problematiku.

Prijčić S.-ispred predlagača

- Prijedlog Krajina M. će ići na Kolegij vijeća i vjerojatno će se prihvatiti za drugi kvartal 2018. godine
- Ovo je Program rada Općinskog vijeća koji je obavezujući da se uradi. Sve ono drugo što bude mimo toga će ići shodno odlukama sa Kolegija vijeća.
- Puljarga S. u vezi gradske deponije može ići sa Prijedlogom za Kolegij Općinskog vijeća

Batinić G.-predsjednik OV-a

- Dajem na usvajanje sljedeći Zaključak :
Prihvata se Nacrt Programa rada Općinskog vijeća Gornji Vakuf-Uskoplje za 2018. godinu, kao dobra osnova za izradu prijedloga Programa rada, te se utvrđuje obaveza predlagača da na osnovama Nacrta Programa rada Općinskog vijeća Gornji Vakuf-Uskoplje, prijedloga i sugestija vijećnika Općinskog vijeća i drugih ovlaštenih predlagača utvrdi prijedlog Program rada Općinskog vijeća Gornji Vakuf-Uskoplje za 2018. godinu i dostavi ga za narednu sjednicu Općinskog vijeća.

Zaključak o Nacrtu Programa rada Općinskog vijeća Gornji Vakuf-Uskoplje za 2018.godinu usvojen sa većinom glasova (19 «za», 3 „protiv”, 0 „suzdržana”)

Ad. 7.

Nacrt Odluke o općinskim priznanjima

Prijčić S.-ispred predlagača

- Dao je kratko obrazloženje Nacrta Odluke o općinskim priznanjima

Diskusije:

Herceg J.-ispred komisije za Statut i propise

- Komisija za Statut i propise je na svojoj sjednici održanoj 13.12.2017. godine, razmatrala je Nacrt Odluke o općinskim priznanjima i predlaže sljedeće:
- U članu 2. ;..Općinska priznanja Općine Gornji Vakuf-Uskoplje (u daljem tekstu:priznanja)...., *trebalo bi brisati ovo u zagradi; pojedinci, privrednim društvima, ustanovama, mjesnim zajednicama, udruženjima građana, drugim lokalnim zajednicama i drugim pravnim licima (u daljem tekstu: pravna lica)...znači treba da stoji ;...pravnim licima*
- U članu 7. stoji;.... *Počasnim građaninom/gračankom Općine Gornji Vakuf-Uskoplje ne može biti proglašen pojedinac koji ima prebivalište na području općine Gornji Vakuf-Uskoplje....* Taj neki dokaz bi trebalo dostaviti, u članu 15. bi trebalo da stoji,... *da je potrebno dostaviti uvjerenje o mjestu prebivališta*
- U članu 12.*stoji;...povelja o proglašenju građaninom/gračankom Općine Gornji Vakuf-Uskoplje može se dodijeliti pojedincima iz Bosne i Hercegovine ili inostranstva (državnici ili zvaničnici drugih država, članovi međunarodnih organizacija odnosno organizacija drugih država ili njihovih organa)...., smatramo da se ovo u zagradi treba brisati, iz razloga da neko nije obuhvaćen ovim nabrojanjem*
- Član 14. *zadnji pasus; Pravo podnošenja prijedloga za dodjelu priznanja....., sve ovo bi trebalo brisati, trebalo bi staviti;... fizička i pravna lica koja imaju prebivalište odnosno sjedište na prostoru općine Gornji Vakuf-Uskoplje*
- U članu 15. uz ovo što sam rekao iz člana 7. za počasnog građanina još dodati;...*uz prijedlog dostaviti dokaz o nekažnjavanju. To reguliše član 4.*
- Član 19.stoji;...*Izgled, oblik i tekst priznanja iz člana 3. ove odluke utvrđuje Komisija..., a trebalo bi da glasi;... Izgled, oblik, tekst i materijal priznanja iz člana 3. ove odluke utvrđuje Komisija, a u konačnici donosi Općinsko vijeće...*
- Član 22. stoji;...*Stručna služba Općinskog vijeća ustrojava i vodi evidenciju dobitnika priznanja...umjesto toga trebalo bi da stoji;...Kabinet Načelnika ustrojava i vodi evidenciju dobitnika priznanja*

Karamustafić N.-ispred kluba SDP-a

- Mi ispred kluba SDP-a Gornji Vakuf-Uskoplje smatramo da skroz treba ukinuti ova priznanja i smatramo da su to politička priznanja
- Sredstva koja se daju za ova priznanja bi se mogla iskoristiti u humanitarne svrhe

Posavac I.-HL

- U članu 3. Nacrta Odluke o općinskim priznanjima pobrojane su vrste priznanja po visini njihovog ranga, gdje se nalazi i Zahvalnica Općine Gornji Vakuf-Uskoplje. U članu 9. stav 2. stoji da;... *Zahvalnicu Općine Gornji Vakuf-Uskoplje dodjeljuje Općinski načelnik.* Budući da je Zahvalnica Općine Gornji Vakuf-Uskoplje jedna vrsta priznanja (član 3. Nacrta odluke o općinskim priznanjima), postavlja se pitanje dali je član 9. stav 2. U skladu sa članom 31. Statuta općine Gornji Vakuf-Uskoplje, u kojem između ostalog stoji da dodjeljuje Općinsku nagradu. Nagrade i priznanja dodjeljuje Općinsko vijeće a jedna vrsta priznanja je i Zahvalnica Općine Gornji Vakuf-Uskoplje. Molimo komisiju za Statut i propise da razmotri odredbe odluke o Općinskim priznanjima i zauzme svoj stav do Prijedloga Odluke o općinskim priznanjima.

Herceg J.-ispred komisije za Statut i propise

- Zahvalnica ne mora biti priznanje. Zahvalnicu može Općinski načelnik dodijeliti bez bilo kakve odluke
- Zahvalnicu bi trebalo regulisati nekom drugom odlukom, da neide kroz priznanja i da se Općinsko vijeće nebavi dodjelom Zahvalnica i trebalo bi je izvući iz ove odluke o dodjeli općinskih priznanja

Batinić G.-predsjednik OV-a

- Dajem na usvajanje sljedeći Zaključak: *Prihvata se nacrt Odluke o općinskim priznanjima, kao dobra osnova za izradu prijedloga Odluke, te se utvrđuje obaveza predlagača da na*

osnovama nacrta Odluke o općinskim priznanjima, prijedloga i sugestija vijećnika Općinskog vijeća i drugih ovlaštenih predlagača utvrdi prijedlog Odluke i dostavi je za narednu sjednicu Općinskog vijeća.

Zaključak o Nacrtu Odluke o općinskim priznanjima usvojen sa većinom glasova (19 „za“, 3 „protiv“, 0 „suzdržanih“)

Ad. 8.

Prijedlog Odluke o prenosu prava korištenja vodovoda Voljice

Prijčić S.-ispred predlagača

- Dao je kratko obrazloženje prijedlogu Odluke o prenosu prava korištenja vodovoda Voljice

Diskusije:

Kičin K.-SDP

- Interesuje me koliko je finansijskih sredstava izdvojilo JKP „VIK“ d.o.o. Gornji Vakuf-Uskoplje za ovaj vodovod

Pidro M.-SDA

- Želim da ukažem na tehničku grešku, navod članova u ovoj odluci je pogrešno numerisan, stoji;...*član 1.,član 3., član 4....*, a treba;... *član 1.,član 2., član 3.*

Prijčić S.-ispred predlagača

- Prihvatam sugestiju M.Pidro u vezi tehničke greške numerisanja članova ove odluke
- Što se tiče sredstava JKP „VIK“ d.o.o. Gornji Vakuf-Uskoplje nije uložilo ni marke. Vodovod je izgrađen od sredstava koja je Općina dobila od raznih projekata, općinskim sredstvima i sredstvima građana, po osnovu priključka na vodovod

Prijedlog Odluke o prenosu prava korištenja vodovoda Voljice uz navedenu sugestiju usvojen sa većinom glasova (19 „za“, 3 „protiv“, 0 „suzdržanih“)

Ad. 9.

Informacija o stanju zaštite i spašavanja u općini Gornji Vakuf-Uskoplje u 2017.godini

Šain B.-ispred izvjestioca

- Dao je kratko obrazloženje Informacije o stanju zaštite i spašavanja u općini Gornji Vakuf-Uskoplje u 2017.godini

Diskusije:

Puljarga S.-SBB

- Želio bih samo jedno pojašnjenje u vezi deminiranja i tehničkog izviđanja.
- Volio bih da nam razdvojite šta je deminirano a šta je tehničko izviđanje i na kojim lokacijama je urađeno tehničko izviđanje

Ramić A.-SDA

- Ovdje ste naveli da su urađeni prijedlozi projekata za deminiranje lokalnih zajednica „Pridvorci“ i „Voljevac“, dok na drugoj strani na listi prioriteta za 2018 godinu nalazi se 18 projekata, a na listi slobodnih projekata nalazi se cca 100 projekata. Znači realizacija tih sredstava zavisi od donatorskih sredstava.
- Interesuje me ko delegira te lokacije za deminiranje i ko pravi listu prioriteta za deminiranje

Šain B.-ispred izvjestioca

- Nekada nam se desi da neko primjeti neeksplozivno sredstvo i to nam dojavu. Automatski se to javlja Policiji, služba ide na lice mjesta i to mjesto se obilježava. To je odmah potencijalni projekat za deminiranje.

- Deminiranje se radi u onom obimu koliko to finansijska sredstva dozvoljavaju
- Lista prioriteta za deminiranje je pravljenjena 2002-2003 godine

Čaušević S.-Općinski načelnik

- Kad sumnjamo da negdje ima mina, kad nam je neko javio da bi na tom području moglo biti mina, tada se vrši tehničko izviđanje
- U zadnje vrijeme Općina određuje prioritete za deminiranje, mi izdvajamo novac za deminiranje i obično su to poljoprivredne površine koje ljudi obrađuju i površine koje se vežu uz naseljena mjesta
- Ove godine je urađeno kompletno tehničko izviđanje „Industrijske zone“
- Listu prioriteta određuje „MAK“ zajedno sa donatorima koji doniraju sredstva za deminiranje i oni uzimaju određenu površinu za deminiranje zavisno koliko imaju sredstava na raspolaganju

Batinić G.-predsjednik OV-a

- Dajem na usvajanje Zaključak o Informaciji o stanju zaštite i spašavanja u općini Gornji Vakuf-Uskoplje u 2017.godini:
Prihvata se Informacija o stanju zaštite i spašavanja u općini Gornji Vakuf-Uskoplje u 2017.godini

Zaključak o Informaciji o stanju zaštite i spašavanja u općini Gornji Vakuf-Uskoplje u 2017.godini usvojen sa većinom glasova (19 „za“, 3 „protiv“, 0 „suzdržanih“)

Ad. 10.

Informacija o stanju i održavanju putne infrastrukture na području općine Gornji Vakuf-Uskoplje u 2017.godini

Šišić S.-ispred izvjestioca

- Dao je kratko obrazloženje Informacije o stanju i održavanju putne infrastrukture na području općine Gornji Vakuf-Uskoplje u 2017.godini

Diskusije: -

Batinić G.-predsjednik OV-a

- Dajem na usvajanje Zaključak o Informaciji o stanju i održavanju putne infrastrukture na području općine Gornji Vakuf-Uskoplje u 2017.godini:
Prihvata se Informacija o stanju i održavanju putne infrastrukture na području općine Gornji Vakuf-Uskoplje u 2017.godini

Zaključak o Informaciji o stanju i održavanju putne infrastrukture na području općine Gornji Vakuf-Uskoplje u 2017.godini usvojena sa većinom glasova (18 „za“, 3 „protiv“, 0 „suzdržanih“)

Ad. 11.

Informacija o stanju u osnovnom i srednjem obrazovanju na području općine Gornji Vakuf-Uskoplje

Matijanić B.-ispred izvjestioca

- Dao je kratko obrazloženje Informacije o stanju u osnovnom i srednjem obrazovanju na području općine Gornji Vakuf-Uskoplje

Diskusije:

Pidro M.-ispred komisije za društvene djelatnosti

- Komisija za društvene djelatnosti je usvojila tri Zaključka:
 1. Komisija za društvene djelatnosti je na svojoj sjednici održanoj 11.12. 2017. godine razmatrala Informaciju o stanju u osnovnom i srednjem obrazovanju na području općine Gornji Vakuf-Uskoplje, komisija daje pozitivno mišljenje o istoj, te predlaže Općinskom vijeću da je usvoji.
 2. Komisija za društvene djelatnosti sugeriše Predsjedniku Općinskog vijeća i Kolegiju Općinskog vijeća da prilikom rasprave po ovoj Informaciji u narednom periodu budu prisutni i direktori Osnovnih i Srednjih škola na koje se ova Informacija odnosi
 3. Komisija za društvene djelatnosti sugeriše Općinskom načelniku da pripremi prijedlog izmjena i dopuna Odluke o administrativnim taksama u smislu oslobađanja od plaćanja administrativnih taksi prosvjetnim radnicima koji nemaju normu a koji se prijavljuju na radna mjesta u prosvjeti na raspisane oglase nadležnog Kantonalnog ministarstva.

Puljarga S.-SBB

- Ne bih se složio sa činjenicom da je stanje u obrazovanju zadovoljavajuće
- Nastava se na području SBK-a odvija prema dva nastavna Plana i Programa, na Bosanskom i Hrvatskom jeziku
- Nastavni planovi i programi za srednje škole na Bosanskom jeziku doneseni su 1994, 95 i 96 godine, to su bile ratne godine. Oni su prepisani iz prethodnog sistema iz nekih sedamdesetih odnosno osamdesetih godina. Kasnije 2001 godine za njih su doneseni Pedagoški standardi i sada se nastava izvodi prema tim pravilima. Svjedoci smo promjena koje su se desile u društvu, pogotovo u tehnici i informatici. Tek sredinom ove godine sam imao prvi seminar što se tiče moje struke (inženjer mašinstva).
- Za pojedine predmete u Stručnim školama nemate napisane udžbenike iz kojih bi djeca mogla učiti
- Ministarstvo ne vodi brigu o tome, stoga apelujem na naše zastupnike u Kantonalnoj skupštini da se stvari počnu rješavati nabolje

Pidro M.-SDA

- Pohvalio bih sve škole koje su na neki način doprinjele poboljšanju uslova u školama, osim OŠ „Gornji Vakuf“ i Srednje škole „Uskoplje“ koje nisu imale nikakvih aktivnosti po tom pitanju

Ramić A.-SDA

- Očekivao sam da će biti više diskusija po ovoj tački dnevnog reda, za mene uz budžet ovo je najvažnija tačka koja se razmatra u toku godine
- Iz ove Informacije može se vidjeti da ima primjesa i dosta segregacije
- Interesuje me dali se radi išta po problemu „Škola pod dva krova“ i po pitanju postojeće segregacije. Imamo presude suda u Mostaru. Ovo pitanje sam postavljao i ranije kao vijećnik a dobio sam „maglovit“ odgovor, stoga ga ponovo postavljam.

Karamustafić N. -SDP

- Zna se dobro ko neda da bude jedna škola pod jednim krovom, zna se HDZ i SDA i šta mi sada pričamo ovdje, nebuloze svakakve, najviše mrzim ljude koji su licemjerni
- Govorite o bijeloj kugi a nećete da podržite da se nezaposlenim porodicama daje novčana pomoć u iznosu od 150,00 KM za period od šest mjeseci, mislim to je stvarno licemjerno i krajnje bezobrazno

A. Ramić -replika

- A. Ramić nije bio ministar obrazovanja, to je bio član tvoje stranke Damir Mašić ako se ne varam.
- Ja kao roditelj sam dužan da ovo kažem, a vrijeme će pokazati, ne znam šta će donijeti, ja ovdje stojim kao otac svog Ajlana

Karamustafić N.-replika

- Drago mi što to čujem da nas je bogdo više kao takvih. Što se tiče moje stranke dobro znate da se mi zalažemo samo za to, da su svi ljudi isti, da ih ne razdvajamo po broju krvnih zrnaca, kakvog su socijalnog opredjeljenja i dr.

Herceg J.-HL

- Mislim da je stanje u našim školama dobro i da stanje zadovoljavajuće, kada je u pitanju naša država Bosna i Hercegovina, ako paralelno pogledamo šta se dešava u našoj općini, mislim da stvar funkcioniše
- Sad da li ima segregacije i kako je ko vidi.
- Ako pričamo o dvije škole pod jednim krovom, mislim da je napravljen pomak u odnosu na ono što imamo u ostalim stvarima. Za mene je bolje što imamo Srednju školu pod jednim krovom u odnosu na dvije škole pod dva krova, bolje je zbog toga što imamo komunikaciju.
- Sad se postavlja pitanje dali je to dovoljno na način da imamo nešto kako neko želi, a neko kaže meni je to sada dovoljno, to je sada diskutabilno. To je proces koji moramo prihvatiti i u njemu sami učestvovati na način da to nama bude dobro i treba ga nastaviti i iskoristiti da nam bude još bolje

Dedić Š.-nezavisna vijećnica

- Dvije škole pod jednim krovom nikada od samog početka niti može niti je trebalo da funkcioniše
- Ne mogu da ne izađem i ne dam potporu N. Karamustafiću koji se kroz čitavo ovo Općinsko vijeće od kako sam Ja došla ovdje bori za nekakvu jednakopravnost

Herceg J.-replika

- Ne bih ovo politizirao, kao roditelj želim se baviti školstvom na način da nam bude bolje
- Ustavni sud je odredio da imamo dva školska programa i mi to moramo poštovati
- Za mene nije dobro kada imamo dvije škole odvojeno pod dva krova u odnosu na dvije škole pod jednim krovom. Po meni treba praviti nadogradnju na sve to.
- Trebamo napraviti nešto sljedeće da sam zadovoljan i ja a isto tako da si zadovoljan i ti.

Karamustafić N.-replika

- Volio bih da imamo deset Osnovnih škola, da imamo toliko djece i da su sve mješovite
- Da ne bude kad u jednoj školi izađe konkurs za prijem radnika, da kaže ne odgovara mi tvoja nacionalnost, za to se ja zalažem

Herceg J.-replika

- Interesuje me na koji način bi imali mješovite škole kako kaže N. Karamustafić, ja se slažem ali kako to napraviti, na koji način.
- U Srednjoj školi „Uskoplje“ imamo mješoviti razred u okviru Medicinske škole kad je u pitanju nacionalnost

Puljarga S.-replika

- Ovako mi dvadeset godina raspravljamo a u mojoj školi nema kabineta za Hemiju, Biologiju, Fiziku i nema još dosta toga
- Smatram da je ovo sve šuplja priča, imali smo mi i incidenata i trebali ste se onda naći u koži i učenika, i profesora i roditelja.
- Vrijeme će pokazati svoje i donijet će stvari koje budu primjerene tom vremenu
- Trebamo diskutovati o stvarima koje sam ja spomenuo, o istinskom kvalitetu obrazovanja

Matijanić B.-ispred izvjestioca

- Školstvo je sigurno životno važna tema i sve ove diskusije stoje i one zaslužuju da neko ko je kompetentan i ko radi ove poslove bude za ovom govornicom
- Predlažem da ovo iduće godine rade direktori Osnovnih i Srednjih škola i da se to definiše i kroz program rada općinskog vijeća ako treba

Batinić G.-predsjednik OV-a

- Dajem na usvajanje Zaključak o Informaciji o stanju u osnovnom i srednjem obrazovanju na području općine Gornji Vakuf-Uskoplje:
Prihvata se Informacija o stanju u osnovnom i srednjem obrazovanju na području općine Gornji Vakuf-Uskoplje

Informacija o stanju u osnovnom i srednjem obrazovanju na području općine Gornji Vakuf-Uskoplje, usvojena sa većinom glasova (19 „za“, 3 „protiv“, 0 „suzdržanih“)

Ad.12.

Prijedlog Zaključka o davanju saglasnosti na imenovanje direktora JU Centar za obrazovanje, sport i kulturu Gornji Vakuf-Uskoplje

Idrizović Dž.-ispred komisije za Izbor i imenovanje

- Komisija za Izbor i imenovanje je na svojoj sjednici održanoj 13.12.2017 godine razmatrala zahtjev Upravnog odbora JU Centar za obrazovanje, sport i kulturu Gornji Vakuf-Uskoplje, za davanje saglasnosti na imenovanje Gudić Nermine iz Gornjeg Vakufa-Uskoplja za direktora JU Centar za obrazovanje, sport i kulturu Gornji Vakuf-Uskoplje.
- Komisija konstatuje da je ispoštovana zakonom propisana procedura, te da nema smetnji da se da saglasnost Općinskog vijeća na predmetno imenovanje.
- Komisija predlaže Općinskom vijeću da usvoji prijedlog Zaključka o davanju saglasnosti na imenovanje Gudić Nermine za direktora JU Centar za obrazovanje, sport i kulturu Gornji Vakuf-Uskoplje

Diskusije:

Karamustafić N.-SDP

- Dali je direktor jedne javne ustanove u sukobu interesa ako obavlja funkciju predsjednika Upravnog odbora u drugoj javnoj ustanovi u Gornjem Vakufu-Uskoplju

Idrizović Dž.-ispred komisije za Izbor i imenovanje

- Mi kao komisija nismo razmatrali tu mogućnost u vezi sukoba interesa
- Mi kao komisija dajemo saglasnost na osnovu procedure koju je proveo Upravni odbor JU Centar za obrazovanje, sport i kulturu Gornji Vakuf-Uskoplje

Batinić G.-predsjednik OV-a

- Dajem na usvajanje Zaključak o davanju saglasnosti na imenovanje direktora JU Centar za obrazovanje, sport i kulturu Gornji Vakuf-Uskoplje:
Daje se saglasnost na imenovanje Gudić Nermine iz Gornjeg Vakufa – Uskoplje, za direktora Javne ustanove Centar za obrazovanje, sport i kulturu Gornji Vakuf – Uskoplje

Prijedlog Zaključka o davanju saglasnosti na imenovanje direktora JU Centar za obrazovanje, sport i kulturu Gornji Vakuf-Uskoplje usvojen sa većinom glasova (19 „za”, 0 „protiv”, 3 „suzdržana”)

Sjednica završena u 11⁴⁰ sati.

ZAPISNIČAR

Redžić Hidajet

PREDSJEDNIK
OPĆINSKOG VIJEĆA

Batinić Goran, mag.nov.